



Universitätsbibliothek Paderborn

**Francisci Toleti S. R. E. Cardinalis Svmma Casvvm
Conscientiæ, Sive De Instrvctione Sacerdotvm Lib. VII**

Toledo, Francisco de

Coloniæ Agrippinæ

13. Quare instituta est Eucharistia.

urn:nbn:de:hbz:466:1-40916

nem panis aut vini substantiam, sed omnino conuersa est in Christi corpus & sanguinem, manentibus dumtaxat speciebus.

Secunda est, sub eisdem speciebus verè & realiter esse corpus & sanguinem Christi.

Tertia est, sub vtraq; specie, & sub altera tantum esse totum Christum: verbi gratia, sub speciebus panis esse totum Christum, nempe corpus & animam unitam diuinitati. Similiter totum Christum esse sub speciebus vini. Dices, si totus Christus est sub speciebus panis, & totus sub speciebus vini, quare dicitur communiter, quod species panis continet corpus, species vini continet sanguinem? Respondeo quodam exemplo. Cum tu vocas famulum tuum, aut amicum, hic autem venit coram te, clarum est, amicum esse coram te, & non solum ipsum, sed ipsius vestimenta, nam vestitus venit: si ergo per te a te, tu vocasti amicum, quomodo & hic sunt vestes? respondabis, ex vi verbi mei, quo vocavi, solus amicus adebat, & quippe vestitus erat, ratione coniunctionis vestimentorum, etiam sunt hic vestes. Eodem ergo modo intelligas, sub speciebus panis est tantum corpus Christi, ex virtute verborum coniunctionis, quae erat, *hoc est corpus meum*; at quia corpus etiam anima & diuinitate, sit, ut ratione concomitante totus sit Christus. Similiter sub speciebus vini ex vi verborum sanguis est dicitur enim, *hic est calix sanguinis*; tamen quia sanguis etiam corpore, & corpus cum anima, & haec diuinitati unita sunt, sunt & ista omnia sub illis speciebus. Quando ergo audis, sub speciebus panis esse corpus, sub vini, esse sanguinem, intellige, ex vi significationis, tamen ratione concomitantia, totus Christus est sub altera specie.

Quarta est, illa accidentia panis & vini per se sunt, nec subsistunt in corpore Christi, sicut sustentantur in pane. In his quatuor veritatibus, præcipue innititur ratio huius factimenti.

Quare instituta est Eucaristia.

C A P V T XIII.

SAcramentum hoc à Christo Domino in ultima cena institutum est, in hos quatuor præcipuos usus. Primus, ut esset memoriale quoddam mortis & passio-

nis

nis eius. Repräsentat autem optimè hoc sacramentum mortem & passionem Christi: in hoc enim, quod species panis ex vi significationis repräsentant & continent corpus, ut à sanguine separatum: & species vini continent, & repräsentant sanguinem à corpore separatum, mors non quæcumque, sed quæ per passionem significatur, repräsentatur. Est autem repräsentatio maxima: nam ipsamet quæ repräsentantur, seu significantur, sunt præsentia, putum, corpus & sanguis.

Secundus, fuit institutum in argumentum maximū & ferventissimi amoris Christi erga nos: discessurus enim ad Patrem ex hoc mundo, seipsum in pignus amoris reliquit.

Tertius, fuit etiam institutum in cibum spiritualē: ut enim corpus cibo naturali indiget, vt in vita sua sustenteretur, ita anima indiget cibo spirituali, vt in vita gratiæ conseruetur & augetur. Hic cibus est ipsemet Christus Dominus sub speciebus panis & vini nobis datus.

Quartus, fuit institutum in sacrificium Religionis Christianæ: voluit enim Dominus nos habere sacrificium, quod Deo in remissionem peccatorum offerremus. Hoc autem noluit esse tauros vel vitulos, vel alia huiusmodi, sed quod ipse obtulit, hoc idem voluit nos offerre. Ipse autem seipsum obtulit in cruce per passionem & mortem, & nobis etiam ipsum reliquit offendendum, sub panis tamen & vini specie. Vide quantum excedat hoc nostrum sacrificium omnia legis veteris sacrificia: in qua creatura, in nostra autem creator offeritur. Hæc est oblatio munda, quam Deus Zach. i. dicebat sibi ab ortu solis ad occasum, id est, in toto mundo offerendam. Omnia hæc quatuor in uno hoc sacramento venerabili simul continentur, & coniunguntur, vt sit passionis memoriale; amoris argumentum & pignus; cibus spiritualis; & sacrificium mundum.

De fructibus sumptionis Eucharistiae.

C A P V T XIV.

Multiplex est fructus, qui ex hoc prouenit sacramento. Primus est, vivificare. Iuxta illud Ioann. 6. qui manducat me, & ipse vivit propter me. Dat ergo vitam, quæ est per gratiam: vnde quoties homo sine conscientia mortalis peccati accedit, probabiliter, & rationabiliter putans se esse in